



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1664.

urn:nbn:de:hbz:466:1-29436

feri nupsit, Successorem habuit in principatu Sigismundum.

ANNUS 1664.

Mense Februario dirempta controversia inter Alexandrum Pontificem, & Ludovicum Francorum Regem: Caput patrum, ut Pontifex Corsis à Sedis Apostolicæ militia perpetuo abdicatis, pacis integritæ memoriam in marmore Romæ extare procuraret; Rex vicissim Avenionem, & comitatum Vindascinum nuper Ecclesiæ ablatum eidem restitueret.

A Turcis expugnatur Zrinvarium; à Casarianis in Hungaria superiori sub Souchio Nitria, Leventium & alia nonnulla loca, in inferiore captæ Quinqueecclesiæ, exustus item pons ingens Esseckensis, Canisa tamen frustra tentatur.

Primo die Augusti secuta victoria insignis Casarianorum Duce Montecuculio de Turcis ad S. Gothardum, occisis cruenta strage Barbarorum sexdecim millibus, dum Arrhabonem fluxivum aut trajicere, aut fluminis transitum sociis sternere satagunt; victoria adscripta potissimum cataphractis Casarianis. Nec nihil egêrunt auxiliares Galli submissi à Rege Christianissimo sub
Duci-

Ducibus Foliadeo, & Colineo; victoriae fructus, sed fortè præfestinus, fuit pax post dies decem à pugna inter Cæsarem & Otomannos confecta, quæ sequenti anno legationibus & honorariis utrinque confirmata; Vivarinum relictum Turcis; Imperatori permissum in vicinia ad Vagum Fluvium aliud exstruere Fortalitium, cui postea à Leopoldo datum nomen.

A Lusitanis capitur Alcantara Urbs Hispaniæ. Ab iisdem cæsi Hispani ad castrum Roderici; facta paulò post amorum suspensio inter Lusitanum & Hispanum. Ab hoc petitur, ut deficiente linea masculina Domûs Brigantinae Lusitania devolveretur ad coronam Hispaniæ.

Erfordia reducitur vi armata à Joanne Philippo Moguntino Electore ad primæ obedientiæ Sacramentum, cui se subducere jam à multis annis cæperat.

Obiit hoc anno famosus ille Nicolaus Zerinius enectus, ut dictum, inter venandû morsu fatali apri.

Polonia foris victrix Moschorum laborare incipit intestinis dissidiis ex nimio Reginæ Mariæ Nivernensis commercio cum Gallis.

Episcopus Monasteriensis graviter colliditur cum Hollandis ob ademptum Eyderum castrum Emdensi in Frissia Comiti, eosdem inter & Anglos jaciuntur semina belli in mari per mutuas navium prædationes.

Die 15 Decembris captus videri in celo ingens Cometes, cauda oblonga coloris plumbei, occasum & septentrionem versus protensa, tardus in principio & fine, velox in medio.

ANNUS 1665.

Romæ Divis adscriptus ab Alexandro VII. Franciscus Salesius, Gebennensis Episcopus.

In Gallia jussi à Rege Episcopi & Ecclesiastici universi subscribere intra tres menses Bullæ Alexandri VII. contra Jansenistas; Hugonottæ verò vel esse Catholici vel esse ab officiis & artibus exclusi: Censura Sorbonæ adversus librum de infallibili Pontificis autoritate à Clero Gallicano fortiter repressa, scriptum quoddam, in quo Robertus Sedis Apostolicæ Nuntius sibi assererat Pontificis delegati titulum apud Regem & regni ordines publicè apparitoris manibus laceratum. Arma Batavis sub Comite Pradelio